





胡勉齋得東陽令過家枉訊賦贈

掖垣諫草先朝重亦縣花封此日開一自瑞陽

騰鳳遠爭看仙尹賜鳧回面香南望金星動涵  
碧東浮瀲水來聞道三丘還擬峴風流不羨隱  
侯才

賓陽叔同叔華弟枉携山園折贈樓子芍

藥却賦

肩輿乘興到山園花徑無人自款門滿耳啼鶯



喧綠樹傾談浮蟻倒清尊輕陰巖靄留春色薄  
莫林霏破雨痕醉倚藥欄親折贈重樓紫氣堦  
蘭孫

用韵荅履方諸王孫謝譔乃母熊泚人銘  
思齊千載嗣徽音罔極難酬報德心共守栝椿  
存手澤各成機杼動詞林慙非良史銘章重自  
託通家友誼深投贈竭來青玉案懸看藜館夜  
光侵

梅窓宗室因其外孫王太學以詩扇見貽  
次荅宗室年七十五矣字勢適勁稍有  
古意

遙傳宅相出神京紈扇詩函帝子城聞道靈椿  
稱太老還招叢桂采虛名羅浮春色開廬嶽鴻  
寶祥光倚玉衡何日關門占紫氣會看雙劍匣  
中鳴

芝田陳師季子過訪



芝田先生古廉吏也庚辰卒于京署幾  
不能覆形其幸守史局獲執弟子禮躬  
治殮具以歸于今十載矣其季德諧過  
訪山中狀貌頗肖先生一按不覺潛然  
細詢其生事為之哽咽者數日適苦憂  
居食貧無能為贈臨別贈之以言

十年夢裏憶先師此日通家識面遲  
下里拏舟憐自語一時握手淚交頤  
高堂動訊知無恙廉

吏誰云不可為解贈綈袍歸努力莫將清白負  
良規

先生伯子德慈能世其學比鄧直指觀風  
八閩屬之物色乃浚報諸生中求之不  
得其人便爾驚訝及季至詢之則云早  
世矣又增一慟幸有遺孤心傳年十齡  
隨其寡母鞠于外家李氏李太守公之  
浚也欽止高誼并勗心傳



太丘門第屬元方誰信天心更杳茫  
惟底書傳虛物色到來親問重悲傷  
遺孤尚喜綿瓜瓞定相端能賦涓陽  
憶爾十齡須向學無雙早已羨黃郎

先生仲子德歿有內子之慟余亦悼內未

平詩以慰之

德歿鄉居悉寓其內子嫁貴于岳家因共喪而盡收之

不任熒熒失父昂那知又鼓漆園盆無家莫怨乾坤小有涕應教海日昏已罷辟纁陳仲子謾

談歸贈亭王孫却憐悼內猶懷恨萬古愁銷屈宋魂

陳幼溪司馬中丞忽枉訊遺并示諸作賦報

法星凜凜重三朝推轂頻繁擁仗輶西北指麾戎馬靖東南保障稔氛銷峴山歌放春風艇滄海潮觀夜月橋留滯何因承眄睐瑤瑤莫報倚逍遙



司馬懸車尚黑頭  
海天空濶綠鷗浮  
賜金盡散歸疏傳  
副墨深藏擅鄣侯  
溪舫潮聲吟白雪  
雲窩春色動滄洲  
遙瞻紫氣通南極  
醉擁鰲山絳闕遊

芝田先生歿之十年  
季子德諧持其世父  
奉常青田公所狀  
先生行屬不肖以誌  
感而賦此

白日寒光黯  
薊門春愁不盡  
素車奔身名萬古  
長留恨心事平生  
未了恩却恠叔教  
資抵掌誰憐宋玉  
賦招魂含辛為紀  
泉臺石溟海茫茫  
灑淚痕

寄李汝培

尺書兩度廣陵來  
八載相思夢一開  
多難形容江上老  
隔年酬答病中裁  
侵淫空憶觀濤賦  
留滯元非濟世才  
可奈故人憐范叔  
幾回東閣望官梅



春明一別即天涯幾度東風闔物華高枕飽餐  
陶令菊拂衣新種邵平瓜斗牛氣色橫江合雲  
樹參差隱日斜莫向邗溝遊夜只隋隄遺恨鎖  
烟花

明時不合賦閒居知是玄齋好著書露滿金莖  
懸渴夢斗回銀漢動潛虛鶴聲清徹江天曉蜃  
氣全銷海日舒 聖主恩光瞻只尺楚人騷怨  
謾躊躇

山房觀蓮

池榭芙蓉面面花種蓮何必問仙家翠分庭竹  
搖風荇紅亂園葵奉日華坐訝夏雲當戶起香  
清午夢北窓賒却憐野外無人到獨對斜陽散  
紫霞

亭館臨池便種蓮花開的的闌妍鮮愁無客到  
長同醉喜有詩成獨取憐興遠一丘饒野趣坐  
移隨地會群仙數峰江上猶知已日吐紅雲倚



檻前

秋日

淡日風林急，莫蟬千山秋。氣一簾懸，浮雲蹴沓。  
長空捲野色，差池遠樹連。嬾病人途搖，落緒淒  
清興入沈寥。天徘徊，獨自搔蓬首。歷亂星河倚  
檻前。

為劉象乾賀吳文明首選入學并報其尊

人歸州公

吳鈞初發色，寒芒寶氣懸。看射斗光庭，草春生  
分薛荔渚，蘭香滿度江。湘斯文却喜歸，吾黨至  
道還期睹。大方為報故人誇，有子種桃須信是  
劉郎。

王郭泉歲薦北上過別賦贈

為到山中問歲寒，重遊握手慶彈冠。制科貢舉

稱高第家學，登庸並二難。

是歲君弟陪薦而  
二從弟皆孝廉云 謁

帝春開元朔會

明元旦  
立春

銜杯祝餞，故人歡千秋。



好續河汾業擬共玄經對夕餐

除前二日同叔泉叔澄叔熙三尤園亭賞

梅次叔泉韵初兄以患齒為辭

亭上招邀共探梅賞花長帶雨相催莫辭冷蕊  
能侵齒須信寒芳自送杯最是山家留晚趣那  
知春色占先魁醉看雙眼還俱健一咲詩成浪  
說才

相逢歲晚共憐貧獨對梅花瘦格真野興未應

牽世態酒杯須放助詩神幾回老圃同辭鵬轉  
眇春盤又薦辛更喜移花添竹迺重來風景逐  
年新

九日龍陽精舍襲芳亭懸榜

書舍茅亭列嶂開新懸雙榜趁春裁三陽泰啓  
龍光動百卉芳搖鳳落回散帙晴雲團薜荔倚  
闌香霧點莓苔傳經謾道蕪玄草寶氣遙看接  
上台



雪夜因次賓陽叔詩有感先史公

坐揆寒灰憐夜永更聞風木不勝悲同時父老  
今增健舊日追隨獨憶詩世載仰承慙履薄春  
暉欲報恨無期夢我掩卷空欹枕輾轉音容入  
夢遲

賦紅梅為賓陽叔七十八壽

芳筵華燭散春寒醉裏春花爛燭開入座細香  
浮紫氣駐顏深暈發仙丹不煩青鳥來瑤圃若

為斑衣倚玉蘭虬幹自存風骨健百年長此薦  
辛盤

文翰詔滿告謁選人得補廣州別駕過家  
之官贈別

春色長安萬里回屏星選柏五羊開還家正喜  
啼鶯合佐郡行看展驥才九轉丹砂通海嶠四  
時蒼樹接蓬萊街盃若對羅浮月清夢須從薛  
荔來



上巳郊行次日清明

籃輿不為踏春行  
春色偏憐處處迎  
風過麥濤驚雉  
雉兩收林霽亂鳩鳴  
翠圍蒼靄平疇合綠  
染輕嵐一帶紫可奈  
禁烟逢上巳花飛又恐逐  
清明

汝敬姪邀同賓陽叔  
叔崑元飲清風樓獲  
瞻混混公東湖公存菴公遺像

豸史樓臺春日披登臨  
肅展舊威儀經綸肇啓

千秋業述作兼垂百世師  
當代品題留翰藻于  
今風韻識芳規  
後塵却媿前修遠  
瞻仰羨牆幸

正公

清風樓牡丹繁盛往侍御公每歲宴賞則  
先祖必與賡和手蹟具存對花重感

傳道春樓簇牡丹  
我來猶得一枝看  
恍疑繡斧清光動  
共倚雕蘭紫氣寒  
觴咏至今留勝蹟  
追陪此日罄餘驩  
揮盃不覺頻沾醉  
家世相逢樂



事難

承賓陽叔見次飲清風樓之作代疊一章  
花檻盈盈舊牡丹玉堂今日喜同看竹林風韻  
名增重池草春光夢未寒樂事幾逢尊酒合賞  
心偏覺莫年驩洛陽何用誇題品此會家庭更  
羨難

先君禫期忽屆叔泉兄枉投次荅

謾道援琴強自寬  
蓼莪掩涕不成驩  
祇緣知己

投佳句信是勞心詠素冠報德獨懷春  
草恨招魂空悵歲星寒也聞旦宅荒唐語  
萬古還誰有大丹

七月十九夜叔泉兄過宿山居

殘局迎風徹短檠  
停盃待月吐山城  
即看縹緲搖銀藻  
頓覺清虛步玉京  
露淨斗牛寒  
夜氣天空樓閣動  
秋聲仲宣辭賦堪  
回首且共行吟故  
國情



即事

連年秋事未全收  
四望村烟帶暮愁  
閭里尚聞憂盜賊  
流亡轉見廢田疇  
淳文有道頻蠲稅  
糞  
遂無奇勸佩牛徒  
倚不堪中夜歎林  
臯蕭瑟黯滄洲

中秋後一日過柏林披閱諸名公手冊若  
睹拱壁用舊韵志喜

溪上書樓玉作堂  
昔賢墨妙獨深藏  
百年儒雅開經笥  
五夜奎光繞画梁  
高議雲霞常結綺  
縱觀蚪蚪自成章  
卧龍莫道滄江老  
重聽卷阿起鳳陽

十六夜柏林待月

倚座其如待月何  
相携又喜笑談多  
尊前有酒頻中聖  
身外無心獨飲和  
招隱不須叢桂曲  
遺榮今見采芝歌  
歸塗野色浮嵐靄  
却勝山陰一棹過



三建小葺叔泉兄有作次荅

梵刹重開枕碧山高秋涼雨淨禪關拂塵棟宇  
生新色倚磴莓苔洗舊顏望遠翠巒雲裏合香  
浮丹桂座中攀百年名勝還相待元領仙曹引  
上班

叔華弟謁岳傳中丞公賦贈

東行為謁夫人峯望入千山紫氣重潮浦月吟  
疑引鳳驛亭風送正乘龍簪裾幕府開談咲稟

坦賓筵坐折衝若醉西湖簫鼓羅客心驚起武  
林鐘

韓集池憲幕再顧山中即席口占

淮上相逢十載前于今蒼鬢兩茫然秋深烏雀  
回窳巷地遠蓬蒿剪莫烟漉酒不堪憐破帽挑  
燈猶自坐寒氊歸與不盡山陰興重訂鄱湖泛  
釣船

九日早入建山馬上賦



朝乘駑馬看山色野樹烟籠淡翠微會與賞心  
風日緩律凌秋思水雲飛携壺正爾披榛莽拄  
杖何須歎蕨薇千載地靈今有主坐馴麋鹿共  
忘機

同一中象乾飲建山

山寺相携兩度遊晴光拂曙洞雲流平臨古磴  
開新菊一望群峯澹素秋鷄犬候門爭躍舞壺  
觴竟日為淹留清閒不用逢僧話誰道乾坤更

十洲

寄懷文別駕時乃子以家行

故園搖落不勝秋五嶺風光萬木稠天起鷗鵬  
聞海運家隨鴻雁到羅浮晴觀蜃氣樓臺壯霜  
淨鷗汀橘柚收若問舊時鷺鷥侶宦情無那戀  
滄洲

舟次章閣履方履中履直三宗正枉携過  
訪分得仙字



重携尊酒訪江邊一咲追驩七載前山色水光  
渾似舊朱顏蒼鬢却堪憐祇餘野興增狂態那  
有詩名羨謫仙明日逸園容我醉青黎應放杖  
頭然

風雨夜警枕上再用前韵效長慶體

一葉輕舟風雨前中宵波浪勢滔天榜人列炬  
驚維纜客子披衣勸廢眠繞涉塵勞懷舊業乃  
知雲卧即行仙悠悠世道尤多梗歸去重栽白

社蓮

孔陽偕諸姪再過舟中分得東字

章門蕭瑟倚孤篷幾度肩輿載酒同不斷催詩  
杜陵雨空懷賦簡楚土風竹林狂客唯中散桂  
樹招賢有八公明發依依重回首停雲無限隔  
江東

次叔泉兄分惠粉紅牡丹

故園幾載共看花得酒尋詩總是家更喜紅芳



携作伴已含春意欲抽芽託根謾自誇連理弄  
並懸知爛九葩老景不須憐富貴凭闌長此玩  
韶華

壽賓陽叔七十九時余將越 蘭因憶明

春八旬不獲親祝壽遙預致慶幸

八旬共慶明春是今日爭誇健有神海鶴並凌  
生態遠沙鷗長許狎盟新梅芳飄座催繁管蘭  
氣薰尊媚大椿預擬玉京遙致祝須先酌斗醉

相親

鄔孝廉瞻齊枉顧賦贈

駐馬柴門夕照殘園蔬旋剪細春盤却憐卜築  
無三徑那得交驩有二難韶景已催花信動斗  
光猶射酒杯寒鳳毛日向長女近萬里爭看振  
羽翰

生次孫口占

夜半充聞夢乍醒兎曹相報再添丁他年扶老



堪遊屐此日將雛勸擬經起坐縱觀春滿檻喧  
呼又喜客盈庭開尊且放中宵醉謾說荀龍共  
聚星

賓陽叔明春八旬叔養九二月七旬邀飲  
綏祿堂賓陽叔席上有賦次韻

酒醉春桃夜未蘭剪疏猶自薦春盤橫經共卜  
三鱸珉結杜真同九老驩酌斗祗今逢勝事緘  
詩遙憶寄長安莫辭秉燭還烹茗坐聽東風啣

峭寒

二月九日鄒文山畏所昆玉邀飲碧雲叔  
崑兄偕汝敬詩姪載酒同劉象乾飲別  
謾記

拂曙登臨到夕陽徘徊無柰戀壺觴鵲聲遙送  
千山喜樹色深懸滿壑光從此去天其尺五即  
今交臂豈尋常醉來歲月憑詩紀不用紗籠羨  
玉堂



別龍津有懷姜明府李憲伯韓憲  
昨夜扁舟宿雨中  
曉乘新霽御微風  
水光搖漾初開暢  
野色蒼茫遠映空  
鼓社漸驚鄉語異  
看山獨聽鳥聲同  
恠來春樹偏多思  
回首龍津劍氣雄

奉姜甬洲先生

子文尊人

非熊不入懸車夢  
跨鶴還為舞綵過  
饌取魚鰕湖上足  
覽餘山水越中多  
清風晝永娛蒼柏  
愛

日度閒玩碧紗  
釀林更傳彭澤近  
滿傾春酒醉絃歌

安仁舟中子文  
送越酒夜酌口占

停橈烟雨駐黃昏  
燒燭看詩酒一尊  
元亮白衣寧有此  
子雲奇字未須論  
風回搔首千山暝  
湍駛驚瀾萬壑奔  
却嘆平生多癖性  
醉江長自憶文園

余壯征舟發錦江  
實甬章侯再餞江  
許既



抵會城侯適以公事至聯舟章明余草  
具邀飲舟中不覺夜分出視明月當空  
水光一色怡然神爽復呼酒坐舟首對  
飲漏下四十刻矣別後紀述却寄

行杯放舸錦江頭那更章門共熾舟秉燭不知  
春漏永開牖惟見月華沉濤喧咲語驚蚊蠶氣  
壓蒼茫動斗牛為報滌廷徵守相崇陰回首重  
悠悠

過松山張遠前年丈招飲復酌瀛洲亭賦

謝弁懷公甫兄

相携追憶別君年握手依依俯汭川一徑抱溪  
通綠野平林修竹駐蒼烟瀛洲縱飲催啼鳥燕  
市彈冠遲着鞭春草池塘應有夢來風鵬翻任  
聯翩

寄謝少宗伯張先生

憶昔承明載筆從追隨章曲兩登龍片言尊酒



千秋壯竟日披襟萬斛空  
桃李蹊成春色滿芝  
蘭晚茁露華濃蓬蒿未許開三徑  
且遲封侯訪  
赤松

匡廬萬仞倚天雄  
漉匯彭澗九派通  
縱浪蛟龍成變化  
觸膚雲雨自豐隆  
即看睥睨輕塵外  
一咲浮湛聚沫中  
幾許望洋憐假筏  
獨懷短劍向  
崆峒

鄧學博携具常山公署即席口占

行子三旬初涉越  
舊遊又喜對芳尊  
魚龍夜浪頻驚峽  
桃李春風正滿門  
望裏江山猶故國  
坐中咲語盡家園  
青牛謾說逢關尹  
紫氣空懸燭  
海瞰

過武林蔡左丞見麓劉右丞芝陽垂眷同  
里招飲湖中移席澄碧軒仍筮舟泛月  
而還乃閏三月十六是日立夏雨而復  
霽亦天假之勝也賦謝三章



雨過湖光入夏新  
綠深隄草送餘春  
薇垣紫氣雙龍合  
萍梗浮蹤斗酒親  
雲度曲阿隨暢卷風  
回交瀨逐鷗頻勝遊  
自屬羊開府欲借烟波寄  
此身

急雨初收霽色新  
五湖光景駐長春  
輕波鷓汎連天動  
修竹鶯啼向客親  
勝地淹留欣共賞  
酒盃寬放不辭頻  
却慙鄉曲元無譽  
空說南金託許身

招要何異羨登仙  
桂權開尊水榭連  
萬頃碧波涵遠照  
千山佳氣入芳筵  
林霏延暝還移席  
湖月流光共叩舷  
歸路滿街渾皓白  
却疑人在剡溪旋

查孝廉伯先邀同仲子仁卿客部飲湖中

偶值風雨

不緣風雨妬芳遊  
為愛空濛興更幽  
山色有無雲出服  
塔輪遠近寺沉浮  
全銷酒態平濤壯  
襍



聽歌聲草藹收岼正汀蘭紛入座六橋烟景自  
千秋

過樵李方良珮別駕招飲烟雨樓

幾年離別此登樓壯志相憐對蒯緜握手驚疑  
春夢杳啣杯吞吐莫雲流萬家雨色連城動一  
片湖光倚檻浮身世不須論出處烟波縹緲任  
輕鷗

不佞族同鄉林先生雲間詹濬源使君邀

飲東園賦謝

含香起草白雲端領郡行春靜海濶豈謂問奇  
緣邂逅頃令傾蓋結交驪東園喜奉高軒過北  
斗光搖寶劍寒霄漢即看回五馬翩翩紫氣動  
長安

過廣陵別劉別駕

淮海相逢越十年驚疑握手兩茫然莫將容鬢  
嗟今昔一訊鄉園幾變遷世味更諳陳迹淡宦



情獨向荆緹憐周流欲擬河渠述水使先聲已  
著賢

伍以大年丈席間見示吳明卿先生贈章

次賦

謾云焚草且逃名財賦東南屬舊京杼軸半空  
憐履屨淮揚平準總持衡中原意氣歸吾黨四  
海交遊識世情莫問仲舒繁露傳賜環指日慰  
蒼生

奉周山泉少司馬中丞

遙傳旌節八閩回司馬中原重鎮來經略東南  
全賦入指麾清濁兩河開察眉猶自勤封事造  
膝行看總庶裁宵旰祗今勞社稷老臣延攬咏  
康哉

辛卯初度

癸未祗役舟中初度

九載重來謁 聖明又逢初度愧浮生 君親  
未效涓埃報家國空懸去就情屈指知非今有



幾捫心補過竟無成頭顱莫問看孫子尊酒聊  
隨短棹征

寄廣陵支汝賢

汝賢年丈解組西歸僑居廣陵余辛卯  
北上握手道故別後却寄

越江遼海幾驅馳不道才名獨負時  
薏苡豈應歸馬援扁舟元自汎鴟夷  
乾坤到處沙鷗狎得喪那從塞馬知  
何日烟花重醉客廣陵一曲壯

心期

次安德同舟徐太學用隄字見示次荅

亭午維舟坐柳隄葛巾碁局日相携  
望回氣色中原迴順放檣帆夕照低  
歸詠風雩親入魯表揚海國憶歌齊  
一尊浪作清狂計銀滙盈盈鳳闕西

六月度天津兵憲彭秀南邀飲北樓賦七  
字句為贈



獨擁貔貅控上京  
飛樓縹緲俯曾城  
烟霞長駐蓬萊近  
冰雪懸凝紫戟生  
授簡登臨多賦客  
銜盃睥睨抗時名  
東南萬里朝宗地  
指顧遙連海岱清

將次潞河徐太學賦別次荅

偶向春江共問舟  
猥云仙侶重千秋  
羈懷幾許懸鷗渚  
佳氣初瞻入鳳樓  
清晝一尊還坐隱  
塵蹤四海此生浮  
看君寶劍凌霄動  
老我金門自

白頭

入京送楊直卿都諫得請西還

一別相逢十五秋  
故人無奈戀西遊  
岷峨遙引燕雲動  
霄漢懸看隴月浮  
不用解嘲居隱几  
何須問卜泛虛舟  
邊陲日日勤封事  
若過三秦肯借籌

中秋獨坐述懷

獨坐虛堂萬籟清  
空階瀉露薄寒生  
九年再見



長安月永夜遙懸故里情短髮自憐甘寂莫腐  
儒何補入承明霓裳羽曲天街裏鼓角曾城雁  
數聲

壽銀臺李賓之年兄母程大宜人八十二  
時再膺封誥

銀省委蛇暨晝遊版輿周覽歷皇州蓬萊春送  
宮緋麗渤海雲連紫氣浮愛日更宜清夏永樹  
護共羨北堂幽從容為問長生事八十年餘始

著等

柳陰結軟御軒遲絲竹駢羅引壽卮黃鳥啾啾  
鳴施芻白華粲粲侍金飴重闈猶憶承歡日倚  
膝深憐晝後時再頌河山宜象服會看三錫慶  
瑶池

寄壽賓陽叔八旬

早謝傳經侍壯堂壯心皓首更飛揚家聲親見  
三朝舊壽酒羅襦四代觴引興園林供麗藻結



蘇州府志卷三  
盟筠栢共青蒼老成端為吾宗慶健履爭誇百  
歲強

長安回首混風塵遙憶南陽景物新春事正逢  
初度早年芳偏與故園親看雲縱步頻穿徑對  
竹清陰獨掛巾金馬謾云堪大隱歸來重為賦  
靈椿

送吳南洪左遷分水

明光得意五雲開投杼空令燕雀猜謾道一州

如斗大再飛雙鳥自天來中分江水桐廬下獨  
擁山城石柱迴此去不須琴鶴侶滌廷物色子  
陵臺

送憲僉黃善卿之滇

萬里滇南攬轡行城頭驛路聽鶯鳴寧為仗劍  
辭知己獨解含香下玉京諸葛尚傳遺節制漢  
皇今不鑿昆明遐方雨露須霑早莫道風霜五  
月生



送胡允垂備兵東萊

十年司馬署仙郎分憲提兵鎮海陽紫氣三山  
搖檠戟滄波萬里洗攬槍羽書正爾傳玄菟象  
譯還期貢越裳尊俎宴閒氛祲淨坐觀旭日上  
扶桑

鄔瞻齊為其先中丞請卹南還賦贈

剪燭披襟且倒尊明看行色動都門休憐獻賦  
無媒徑却喜陳情有主恩馬鬣題封天語重

鳳毛長價帝綸溫重來一日驚千里報國應知  
世德存

鄔能夏南還附家報感懷

風塵何處息機緣憶別家園頓隔年送客不堪  
羈旅恨緘書無奈積愁牽雲藏古寺僧偏占苔  
鎖空亭鳥獨還為報菊松須有主潛夫早已待  
歸田

送李維實年丈擢守清漳



畫省兩都推起草朱輪五馬待行春專城禮重  
諸侯貴出守符分滎殿新此地繭絲空杼軸海  
邦保障控烟塵不須異日甘棠頌早已賢聲著  
拊循

張治禎年丈復有溫陵之命賦贈

十年消息兩差池此日重逢對酒卮休問除書  
仍理郡尚懷封事獨憂時朔方烽火搖關塞樂  
浪檣飄菽島夷心折豈緣遷客動願回攬轡奮

驅馳

六月四日 賜鮮笋述懷 時叨侍講筵

嬾朝高枕夢初醒玉筍傳頌為說經自省韋編  
慙素業空霑珍賜出前廷牙籤日報陳新牘溫  
樹雲連擁御屏恭默極知無寸補竹籬野蕝憶  
山亭

送胡孟弢之沅司諭

五陵裘馬自相羊彈鋏翻令咲楚狂海內知名



傾白雪坐中能賦奏長揚參差夜發魚龍動蘭  
芷秋浮佩玦光莫道雄文無薦達洞庭廣樂待  
君張

程孟孺卜居擬過訪阻雨不果先此代簡  
玄齋改卜禁城西苑樹參差望欲迷染翰雲連  
雙闕動銜盃月傍九霄低却憐萬里同為客豈  
有南枝得並棲余昨歲入京  
旣居于此羸馬不堪衝雨過  
一尊向日許重攜

九日陳伯咸蕭以忠設具玉隄園亭劉文  
光黃思立葉克慎徐獻和張治禎曾舜  
徵吳元質同集鄒汝光偶恙不至舉遍  
插茱萸少一人之句見遺諸丈因用為  
韻并藍田寬字賦二章

園亭深隱玉河濱秋色平連禁苑新同榜一時  
多宴集他鄉九日倍情親夕陽征鴈遙憐影小  
徑寒花故傍人歸擁馬頭懸露月天街凝望淨



烟塵

此日登臨興自寬百年萬里幾同歡一官牢落  
堪招隱兩鬢刁騷任側冠鼓角聲泛雲外壯關  
山遂弄月中寒長卿何事猶淹病仙掌遙懸五  
夜看

送文別駕之括蒼感懷青田先生先生曾  
丞吾邑傳其秘書得諸邑之異人

萬瀨涵涵麗水濱括蒼西望玉嶙峋星屏共領  
專城重露冕分行十縣春公暇青田堪訪古秘  
存苦石豈無人少微隱映江天外為道匡時早  
致身

送謨國範年丈宰松溪

伯仲當年許並驅彈冠今日慶雙鳧地連閩越  
饒風土邑擁山溪簡傳厨春御板輿花滿縣晝  
行桑陌雉將雛龍光五夜衝牛斗知是神君領  
淇廬

邑有淇廬山



新安葉長源二詩翰尤精篆刻漢章與程  
孟孺友善邁會長安數月將遊晉梁楚  
越還家以詩留別乃邀孟孺同飲次韻

荅贈

燈前尊酒對殘花朔氣寒光澹物華短褐共憐  
誰抵掌長歌自放獨摩牙晉梁歲晚知投轄楚  
越春深憶到家海內交遊多墨客携來詞賦更  
堪誇

題徐海石侍御尊人壽冊  
司訓告歸養繼母侍御時按北關

自許平居衛大夫海陽猶復羨蘇湖百年吾道  
唯舒卷千載諸生識步趨皓首御輿慈母養皇  
華攬轡嗣君圖行關紫氣隨驄馬懸望浮丘倒  
玉壺

次徐龍洲太學咏菊

蕭條宦况晝扃堂試買黃花綴晚粧剪燭細看



秋色淨把盃同味歲寒香客心照落城頭月歸  
夢驚殘雁背霜三徑祇今誰為埽林臯踈葉下  
回廊

送徐獻和耆學閩中

儀即鳴珮下楓宸握憲衡文綫八閩五夜寒光  
浮劔水千秋寶氣合延津鷗鵬獨運圖南徙鄒  
魯重看誦海濱吾道中流航一葦狂瀾砥柱更  
何人

送孫應池之唐邑宰

玉人秋浦勝河陽况乃名封古帝疆到日絃歌  
鳴蟋蟀經春桑柘蔽牛羊門閒五柳惟長嘯坐  
理南薰不下堂却恐前身是勾漏天風雙鳥正  
翱翔

送玉南垣宰南部

閩南勝事天下稀山堞江城曲抱圍沙際春浮  
蕩漿過溪頭井沸負鹽歸雲懸漢樹丹梯迥月



傍秦關紫塞微莫道伶俜已十載雙鳧重見出  
彤闈

送劉別駕治河歸德

淮海舊稱滄水使河渠仍復借睢陽嵩封雲動  
連芒碭泗鼎光浮引汴梁半刺春風閒案牘一  
庭秋月湛冰霜親知此日平分手吏隱生憎羨  
楚狂

送喬裕吾給諫使肅藩便道歸省

掖垣地切鳳池傍橐筆詞臣拜夕郎趨陛風生  
供奉草分桐雲擁列侯章千秋祝罷稱家慶雙  
壽筵開集羽裳立馬西陲多感慨早携封事達  
天闈

壽壯山翁蔣乾初尊人

羽扇綸巾酒滿尊肯將華髮向都門春携陽羨  
來南國月傍秦淮即故園不問祠官封禪草却  
憐蔣徑菊松存滌廷正急商山老莫道冥鴻久



出樊

贈祠部蔣乾初考績南還

周官禮樂宗岐鶴漢殿衣冠祖沛豐一自金陵  
開帝業萬年秩典奉祠宮月遊原廟祥雲擁袂  
集靈臺絳節通最是仙郎虔秘祀何須汾水咏  
秋風

留別曾直卿大司成

重來不厭舊比隣晨夕相過倍轉親蹤跡十年

勞物役乾坤雙眼任風塵青山入夢仍淹病白  
髮驅人故乞身會集鳳池勤補衮好客林下有  
垂綸

留別余世用宮諭

相携回首憶當時逾壯年華已並哀海內交情  
真更切天涯病骨強難支蓬萊日近孤雲遠薜  
荔秋深倦翮羈竚聽征鴻如有問柴桑濁酒正  
堪醺



留別馮用韞宮庶

會面偏憐契活多寸心欲折動驪歌  
季鷹不為思尊去司馬其如善病何  
世路幾堪尊酒別沙鷗猶識片帆過  
同門萬里看高舉莫負春山卧薜蘿

賦得中秋月為余世用五十壽

仙堂擎空御紫鸞冰輪安穩駕雲端  
香飄桂殿金風細曲奏霓裳玉露漙  
星斗避輝天上迫蛟

龍潛影海珠寒懸知九轉靈丹就  
長擬千秋寶鏡看

鍾英陳丈陳師芝田先生仲子來訪京邸  
值余請告南還賦贈見情

躡屩何來萬里遊相携一顧重悲秋  
生前自分甘塵釜身後還誰濟  
麥舟感遇未能酬國士官情  
今已屬滄洲家聲却喜傳清白  
莫負當年問寢丘



病中屢枉鄒汝光携具過訪賦謝

既病誰憐對酒尊枉携頻喜過高軒  
莽紛世路迷醒醉寂莫交情見弟  
第茗椀傳冰燒短燭露華浮月度  
千門儘看佳氣長安動無那秋風  
憶故園

題比部王性軒母毛孺人拍舟卷

王名建中上饒人母二十守節旌揚二  
次歿贈孺人

廿年自許未亡人縞素甘荼四十春  
調饌孀姑潛飲涕斷機孤子怯傷神  
生前忍道榮君賜地下相從寵帝綸  
夜半烏啼霜月曉拍舟新咏欲沾巾

河水尚溢南風日競中秋阻宿軌河對月  
有懷諸丈

扁舟南發已經旬秋水平添濁浪新  
誰道石尤風愛我獨憐渤海月依人  
參差樹影連檣動演



漾波光送酒頻夜冷魚龍甘寂莫鳳城回首一傷神

將至泊鎮先簡劉文光年丈

故人只尺一開顏伐鼓鳴榔興不慳幾夜德星  
占大史清秋紫氣度函關久拚北海傾尊倒莫  
問南洲一棹還擊筑高歌辭舊侶白雲祗恐負  
青山

余世用八月十九日壽五旬余既賦中秋

月為贈南還不及稱觴是日適度瀛海  
有懷却寄

君年五十我知非君住金華我獨歸瀛海月懸  
鳩鵲觀長安秋送薜蘿衣瑞芝虹渚通丹籙喜  
識天顏儼絳緋白首壯心期不改猶存几杖北  
山薇

度清源得劉別駕訊以詩見贈次答

清源衛水一相聞只尺秋波挹令芬公暇尚懷



南墅興歸與猶愧北山文  
恩深 聖主身難報  
夢斷親知手易分  
丘壑元來存野性  
江湖空自說憂君

黃文叔北上相遇于淮  
追憶癸未飲別清  
河垂一紀矣  
悵然有作

醜酒清河十載前  
重逢雙鬢問誰玄  
強支病骨燒殘燭  
起視波光動遠天  
京洛回看江月迥  
櫓檣背發海雲邊  
吹嗟自有長楊賦  
莫厭文章老

鄭虔

淮上逢沈少卿適有關中督學之行并贈  
相逢忽謾輕分手  
憶別于今十二秋  
指顧兩河橫積靄  
徘徊尊酒散深愁  
東臨淮海紅瀾障  
西望秦關紫氣浮  
回首五雲應只尺  
鳳城春曉動龍樓

次寶應先寄李汝培

蕭森秋氣滿江城  
搖落那堪尚遠征  
露下獨依



沙渚宿月明何處玉簫橫故人幾共滄洲興良  
夜須謀斗酒傾莫向五陵問裘馬當年抗疏薄  
功名

歸度廣陵簡支汝賢

憶昨觀濤步月橋重來還擬醉通宵祇緣地主  
爭投轄恠底官曹懶折腰縱飲千秋空睥睨倦  
遊五岳恣招邀丹楓兩岸將歸棹遙聽寒江落  
莫潮

次酬陳石海

原任比部以廣西南寧郡守致政寓維揚

淮海初傳賦卜居白雲舊草重周廬神交却喜  
逢傾蓋病廢空慙說著書劔合雙龍餘氣色車  
懸五馬款郊墟片言尊酒邗溝月野鶴汀鷗烟  
自如

遊烈山 在江中上有佛堂水神祠

細竹團烟點碧波蒼梧踈柏蔭青蘿一拳石湧  
安龍鉢萬疊濤迴浴鷺渦潮送晨昏雲外度帆



懸日月鏡中過江空倚眠遲歸棹隔浦漁舟起  
暮歌

米石謁謫仙祠

謫仙遺廟枕層巔滿壑虬松駐紫烟檻落濤聲  
驚白雪江涵山色吐青蓮浮雲蔽日長安遠片  
月中天斗酒懸欲賦招魂鯨怒吼九關虎豹正  
當前

至日皖城舟中用杜韻四首

留滯扁舟獨倚牀數聲哀怨鴈離行何人此日  
書雲物不寢空宵想御香燕谷陽回開象闕楚  
山春動緝蘿裳計程應說匡彭近五老招邀引  
望長

金華虛憶綴仙班幾許橫經候 聖顏只尺却  
疑清蹕遠優游尚沐 寵恩還春明回首寒烟  
外夕照停橈薄霧間不盡江濤驚滾滾閒心聊  
寄白雲山



至日南風喧濁霧皖城猶滯未歸人迎陽驚訝  
春偏早羈旅全憑酒自親裹鮓細嘗譜土味張  
犧分資憶楓宸主恩浩蕩容高卧却咲桃源  
遠避秦

思家迢遞夢中催歸計遲迴萬里來官線引長  
增歲鬢髮絲漸短覺心灰寒荒三徑無餘菊香  
滿疎林有老梅故舊于今聞尚健相携一咲且  
啣盃

衝風

風黃日淡浪堆銀岸駛山迴總未真歸思望中  
橫逸興輕帆江上輕飛塵不辭歌側安夷險自  
信浮沈適隱淪世路幾經今老大故園卧穩薜  
蘿春

望小孤山

薄莫征帆逐浪開小孤縹緲鎖烟臺六鰲虛訝  
三山香一柱疑從九派來湖海襟環浮漭沆蛟



龍蟠踞壯風雷登臨亦遂頻回首夢倚雲根埽  
碧苔

同伍以大年兄飲石鐘寺石壁有陽明

先生荷簣之什并懷同年段子明

驚湍激瀨沃蟠根徑是城尖竦立尊洲合江湖  
懸倚檻雲開廬阜直憑軒市烟半壁晴含雨石  
棧連甍坐欲奔盃酒頓浮空界外還誰荷簣更  
過門

歸舟到處恣探奇更喜芳遊共舉巵絕壁倒垂  
蹲虎豹孤根深蟄走蛟螭披衣洞口流雲濕擊  
節鐘聲滿壑馳領取東山誰是主可堪乘興得  
追隨

莫道鞋山

誰遺隻履下天風片石嶙峋擬躡空步引海雲  
匡阜擁踏穿江月斗牛冲古今變態山龕外飛  
躍縱橫水鏡中搖曳檣聲催旅泊蒼烟淡駐落



霞紅

湖中望廬嶽

十年曾到寂高峰一望龍從興轉濃便欲乘風  
揚片席忘教撥霧挾雙筇寒光澹蕩催殘照短  
景依稀起莫鐘冉冉白雲凝不散北山祇恐愧  
塵蹤

鹿洞紀遊

石淙濺玉洞雲流萬壑縈迴一徑幽地迫衣冠

猶舊像天清鐘磬自鳴球蒼涵蜿蜒湖光曉翠  
削芙蓉嶽色秋千載低徊尋勝蹟願泛麋鹿與  
同遊

遊鹿洞曹郡理吳明府交致酒饌同高周

二學博飲聞泉亭

奔流倒峽轉泓渟寫入松濤滿澗壑尊酒重開  
勤地主片雲徐拭對山靈坐通呼吸收群籟興  
逐清泠咏獨醒欲向子期還奏曲寒空黯淡鑱



巖扃

唐宗堯由滇入慶歸壽大夫八袞卷題

祝君壽母索賦

萬里昆明擁使旌千秋金鏡祝長生懸瞻宮樹  
連雲動省覲堂護向日榮春酒遠將分御醕書  
遊躬養緩王程穆如共擬遄歸頌早奉潘輿入  
鳳城

雨中書懷

闌風伏雨釀春寒強啓蓬門岸鶻冠新徑荷鋤  
因罷築舊花倚砌未全安詩書半卷猶懸架親  
友稀逢幾故歡却咲歸閒空自老霜莖添向鬢  
邊看

送陳俊卿守保寧

使君五馬舊行驄春滿輜軒入閩中卧理故應  
煩長孺剖符今復見文翁地形繡錯巴江麗雲  
樹天懸劔閣雄詩草新傳題咏史千秋蜀漢采



遺風

三相堂開古柏森  
台星巖下喜追尋  
承家文物聯華日  
領郡風流播好音  
設說驅車臨蜀道  
定知露冕復棠陰  
漢廷太守元增重  
出牧猶懸攬轡心

送劉翼吾宰開化

寒散青氈下楚湘  
春明錦綬拂嵐光  
一簾官舍琴書靜  
百里山田粳稻香  
定使閭閻還揖讓  
須

知鷹隼後鸞鳳  
聖朝愛養徵循吏  
雙鳥行看入建章

上元雪

春光疑不到山家  
積雨凝寒妬早花  
夜擁殘爐燒蠟  
三曉看薄雪散瑤  
華嬌陽尚怯全開  
霽濁酒初歸未易  
賒回首天街調玉  
燭君王肯御六龍  
車

壽賓陽叔八十二



八十今朝又二年春元如對隔年前吟懷倍壯  
渾忘倦酒興偏寬自得全咲語凌寒催淑氣鶯  
花鬪雨簇芳筵追隨便覺風塵遠何用丹丘更  
訪仙

寄李汝培

一月寒雲黯不收憐春何處采芳洲林深洞口  
長携屐雨過牆頭又喚鳩淺淡藥蘭扶紫玉低  
徊松徑倚蒼虬醉來放杖馴雙鹿猶訝邗溝並

棹遊

二月朔賓陽叔誕孫子先以夢告茲聞踴  
躍口占為賀

重闈佳氣襲蘭湯試聽啼聲喜欲狂春仲更兼  
逢月占寧馨爭睹集群芳先泛夢報看如玉忙  
寫詩疑錯弄璋却羨靈椿添不老抱孫長共醉  
花王先有慶牡丹之約

次賓陽叔誕孫見示之作



高齋山房藏稿 卷三  
招邀幾度醉芳年，頓覺氤氳滿眼前。多壽獨誇才力健，傳家今見子孫全。咲顏相對迎花檻，霽景初開爛綺筵。為語春光共流轉，長看歲歲擁群仙。

徐夢得謁選北上枉顧山中

歸來三徑已荒蕪，門巷空餘鳥雀呼。懸榻喜逢高士下，問竒能愧草亭無。御輿彩鷁春江度，賜履仙鳧曉漏趨。為報長安舊知己，天離何事者

潛夫

上巳喜熊汝捷年夫至

嬾性幽棲戀故林，小車花下喜追尋。郡中同榜憐星散，世上浮名咲陸沈。春日正宜成野服，蘭亭何必問山陰。園蔬濁酒頻酬勸，莫負嚶鳴送好音。

入夏苦旱栽植幾輟，四月望日步禱雷祠。祠前湫隘願庶營，數武以祈雨澤是日



得雨滂沱連日夜原隰沾足稼事幾畢  
十九日詣謝書此以昭神貺并望惠于  
將來

步雲攀陟躡層巔應禱甘霖徧野田自是神功  
能潤物豈緣綿力可回天察眉不盡蒼生恨仰  
面端為赤子憐願廣階前方寸地長棲松下樂  
豐年

為劉象乾賀吳南洪季子入學

洲合鷗鷺鏤石洪扶搖三鳳御雄風明經世喜  
傳劉向通好重誇識孔融立見崢嶸先露穎橫  
生恣態欲行空相泛刺史新招隱剩倒清談有  
阿戎

送新昌令何振海入覲

四郊藹藹貯棠陰誰識三年撫字心綬綰寒星  
雙石動庭空涼月一輪侵山城拆靜絃歌滿谿  
谷雲流粳稻深會送仙臯歸禁闕懸看竹馬迓



江得

劍雲岳侯入  
覲適當考績賦賀

尚方曳履集公車親對明廷奏最書主計獨先  
勤撫字酬勞何必借吹噓彤雲日麗丹楓曉湛  
露春濃紫禁初歸向長安移淑景陰陰堯李徧  
郊墟

嘉平十有一日碧雲懸額先夜雨聲徹旦  
有輿曉發忽見舞雪及抵山半白雲四

合恍若仙境謾賦一律

昨宵鳴雨徹不寐曉起衝泥怯筍輿忽謾瓊花  
散空界頓驚瑤島混清虛虬枝低偃玉鱗甲蟠  
石交抱銀蟾蜍便欲乘雲訪姑射何須却走嘯  
熱魚

元夕前日雨

莫雨行雲曳遠空霏微山色有無中護牆種竹  
移新翠繞徑巡花見小紅燈火明當開萬戶陽



和莫自負東風似欺春酒爭寒峭醉眼醒看曉  
日曛

元夕喜晴前有陽和莫負東風之句

東風拂曙散輕陰山鳥相呼競出林佳節自應  
回麗景陽春果不負知音青顰柳眼寒初展紅  
染花脂暖漸深懸想千門開紫禁六鰲抃舞翠  
華臨

二月九日雪

時迫留雍之後

壯陽無力破寒威積凍經旬又雪飛紛藉搏空  
妍奪素飄揚入座潤沾衣尋常濁酒醅顏駐只  
尺青山皓首違却憶孤舟垂釣者羊裘何事負  
漁磯

十日又雪已屆春分

來朝春事已平分積雪寒深集凍雲盈尺應時  
元未不瑞連旬愆令轉為氛歸鴻影斷疑留塞好  
鳥聲沈自惜羣莫道陽春多白雪四郊愁歎不



堪聞

張青徠之闕便訊山中賦贈

肥綠深紅鳥自呼遙傳谷口引前驅光搖繡斧  
初除徑小摘園蔬旋滌厨海島晝喧迎竹馬  
帷春動集臺鳥主恩尚憶含香草再入承明  
有繪圖

文別駕佛誕日壽七句

瑤池瑞靄接西天浴罷如來慶大仙却道前身

疑夫六不知閱世幾三千拍簪華髮憐今日  
隱金門憶昔年司馬倦遊堪結社數峰蘭若對  
玄蓮

從鹿洞遊開先

絕壁雲飛出洞深筍輿迢遞度叢林山僧指點  
前朝事實墨流傳萬古心蘭若一峰懸兩色錦  
屏千疊駐松陰鐘聲夜半驚回首杳靄香爐紫  
氣沈



江村

茅屋臨江樹蔭隄柴門草色綠萋萋  
留畬布穀驅春犢筐筥提壺亂午鷄  
眉宇扁舟渾欲起吾廬榮木正堪棲  
巾車喜逐看雲興歸向東臯獨杖藜

履中王孫再訪山中有作次賦

睠顧幽貞迓舊廬閒居不用絕交書  
通家忽枉朱門客陋巷重回皂蓋車  
樓幔垂雲春事暗檐

花亂雨夜堂虛携來詩卷論尊酒  
細韵松風滿壑噫

五日

雨足郊原四望新疎烟輕靄散風塵  
山居五月全無暑徑繞群花剩有春  
乳燕鳴鳩聲自喚泛蒲懸艾俗相親  
不緣休沐逢明主那得清閒復此身

歸來兩度逢重五共醉尊前幾舊人  
華髮暗催



雙雲髻青山相戀一綸巾上皇夢到薰風枕中  
散林藏別塢春續命不須長繫縷楚騷何事怨  
湘濱

急雨 是日村社穰田

急雨飛濤白晝昏垂雲莽莽失江村綠侵草岍  
荷浮曳紅壓苔階花倒翻歸鳥無聲山暝合奔  
流轉闔谷爭喧穰田先為汙邪祝負襁耘耔待  
舉殮

送張宗欽守池陽

秋浦澄空郡閣開九華平望鳳皇臺署中勒陣  
千營壯江上舉帷五馬來到日黃雲隨藉稻行  
春綠雨駐官槐當年早擅循良業師帥元非百  
里才

送張青徠少叅之滇督課鹽井

春色曾將到海濱昆明萬里入秋旻經營莫憚  
勞王事叅省應知屬重臣井稅遙聞全異昔科



條寬布定更新 聖朝不遣浮槎使金馬  
送歸報 紫宸

代臨江分守陳國黃和南少司寇謝繹梅  
中丞遊白鷺書院韻

青冥斧鉞下中流白鷺橫江有二洲賦就兩都  
兼執法襟期千古一登樓霜風晝擁旌旗壯春  
草先舒犴狴愁坐鎮安危謝太傅東山無事憶  
林丘

東方歸騎駐河干水淨沙明萬頃寬道院追陪  
參幕府鄉書忝竊附辭壇中天皓月高歌動一  
曲陽春屬和難俯仰古今留勝蹟長懸紫氣斗  
牛寒

送新昌尹何振海考績

宜豐春滿縣花開高第遙聞課最回單父喜今  
逢必宰武城誰復是澹臺史公欲紀循良傳漢  
殿先徵卓異才遺愛獨留黃皓口去思早已重



徘徊

謝靜齋應貢北上過余山中同謝皇弼飲

別

少年同學咲同貧  
狂態翩翩轉自親  
此日故人重聚首  
看君得意獨逢春  
廣文莫厭青壇冷  
司馬先憐白髮新  
坐聽征鴻皆北向  
上林桃李正芳辰

夏日

當軒隱几夢初醒  
卓午花陰穩覆亭  
兩腋風清生茗椀  
數峰雲淨照榴屏  
階空瓦雀時相狎  
地迥柴門晝不扃  
縹緲晴光浮綠樹  
倒涵蒼翠漾踈萍

八月舉子謝皇弼劉象乾過賀因留同賞  
中秋

雨過千山月色新  
澄空萬里淨風塵  
歌聲催轉銀河曉  
酒盞頻傾玉露春  
遲暮添丁堪自咲  
交



遊垂老更相親不緣家事區區爾那得今宵聚  
故人

閨中秋

丁丑迄今西度

廿年再見兩中秋回首長安憶舊遊月色似應  
憐白鬢風光原自戀滄洲却看空界浮銀闕誰  
道明河隱鳳樓野興于今渾不淺醉來直訝汎

丹

偶成

雨過踈畦曲徑新繁花當座剩留春持醪獨酌  
呼山鳥荷篲行歌聽野人生事碁枰隨藥裹心  
期藜杖伴綸巾白雲冉冉閒來往長護松陰覆  
四隣

十月陰雨三旬

一雨三旬暗小春山居蕭瑟轉沈淪荒苔屐滿  
愁侵蠓野屋烟銷歎結鴉鴻雁杳冥滄海微丹  
楓浪藉莫雲津負暄空抱窮簷恨那得柴門日



色新

丁酉五日飲叔華涵虛樓

晴光澹蕩入年新積凍全消萬象春  
細草池塘初對酒虛牕星斗動依人  
風前鼓吹催梅柳江上松篁揖主賓  
謀醉每泛諸俊秀良宵不惜勸酬頻

初春泛諸昆泛連飲劇醉

十日春光任醉鄉酒人何必問高陽  
老梅谷口

浮香動棗萼樓前引興長  
酪酏不知蒼鬢短留連翻咲白鷗忙  
徧巡花徑含新蕊已辨青錢待倒觴

雨中聞時事有感

誰道陽春散大寒經旬風雨凍仍殘  
流澌咽浪頻驚枕空谷番雲獨倚闌  
青眼不舒江柳恨丹心却抱檻花看  
蹉跎一任年光轉兩鬢蕭疎愧素餐



送張南郊應貢北上用杜句跋端

童稚情親四十年趨庭舊地宛依然却憐拙宦  
慙知己獨喜承歡睹象賢春水魚龍隨棹躍秋  
風鴻雁聽書傳即看花信長安動為報鱣堂玉  
樹妍

壽張陽山長者

即南郊尊人

當年早已大于門聞道槐陰綠轉繁高第明經  
誇令子長揚獻賦有賢孫薰絃自撫南陔曲春  
酒頻傾北海尊鶴髮烏紗鳩杖穩相將健履拜  
新恩

履方自臨過訪先承惠酒

一水盈盈龍鳳洲王孫芳草恣春遊濤迎白雪  
携詩卷袖拂青萍仗削緹載酒自尋揚子宅馮  
虛同賦庾公樓山中護道占星聚回首藜光動  
斗牛

次履方先訂看花之約



病裏逢君一破愁，樓頭雨色亂雲流。  
香浮花塢能畱客，山媚蘿軒可坐遊。  
未有清尊傾北海，斲將塵榻下南洲。  
陰晴莫為行期卜，溪樹鳴鳩尚不休。

次履方宿來薰軒

倒屣相迎衣帶寬，幾回悵望在河干。  
坐看花事憐春莫，誰共詩盟結歲寒。  
追憶壯遊成老態，故知今雨妬雲殘。  
淹留只恐無長計，踏破蒼苔獨倚闌。

倚闌

履方座間談及孔陽王孫誰園却寄

杜門旬日檢方書，忽報花前駐小車。  
不信觀濤眉宇動，豈緣入室病魔除。  
竹林風景知無恙，樗櫟天年樂有餘。  
問訊誰園誰是主，乾坤納納總憑廬。

藥闌

黃鸝初轉藥闌新，兩徑交加照水濱。  
紅冠綠藜



雲在掌白含丹暈玉為人芳菲莫恨嬌無力風  
雨休猜護有神自是山家藏物色却疑遙對紫  
宸春

賀象乾子惟肖游泮

滌芹香動水雲蒸博士新將弟子升期逼九秋  
生羽翰息芝六月運鷗鵬清風政爾三劉遠家  
學須知百世興自是玉堂清瑣後長看棗葉有  
孫繩

壽范小泉大叅八十

歸來賦就倦西遊野鶴汀鷗杜若洲陶菊正逢  
開九日莊春初度介千秋駐顏健節休浮蟻涉  
趣凭輿不杖鳩仙子種蓮騎象到何須方外訪  
丹丘

九日壽黃靜所六十

時為結孫師

淵明身世兩忘情日月依辰亦愛名正喜黃花  
逢六袞芝來絳帳幾諸生洞庭越嶠携遊屐壇



石鍾陵坐獵纓取醉莫辭林壑晚懸看炯炯有  
長庚

送郡丞楊心泉入覲

結篆六年兼郡邑朝天兩度入承明諸生共  
喜宮牆壯赤子爭傳渤海清  
空閣春風番碧落圖書夜月照嚴城  
議曹不用虛推讓前席行看拜水衡

送邑侯陳賓華入覲

百里山城賦伯千征輸更倍有誰憐  
瘡痍獨拊紆籌策勸課偏勞損俸錢  
何日斗升堪活鮒即看闌闔共鳴絃  
定知繪圖聞明主竹馬重迎早著鞭

對雪

嬰娒兩鬢又逢春雪裏園林遠世塵  
玉筩冰盤看富貴蒼松翠柏著精神  
雲濤欲破晴光動樓幔初開野色新  
漫興獨吟詩送酒凭闌惟有鳥



親人

二月七日謝吉甫夜坐數語次日雪戲題  
惟來昨夜輕彈指早起山城漫雨花寒戰風枝  
渾未定縱觀空界皓無涯松脂旋藝初傳火菜  
甲聊供細剝芽階下雙鳩馴不語且傾濁酒醉  
為家

軒前花下自生菜一本經冬霜雪不敗春  
花爛熳花晨無花獨對酌酒

無花對酒漫周遮咲倚階前看菜花豈有黃金  
堪布地故依蒼蘚浪垂葩獨經霜雪蟠根壯不  
費栽培傍徑斜一任狂蜂恣來往直畱滋味飽  
山家

重集叔華涵虛樓

牡丹開過藥闌新倚檻重携玉露春兩色浮空  
山縹緲池光搖燭夜沉淪留連只為年芳惜諧  
咲惟知酒盞親却喜家園多勝會花前同醉幾



經旬

送春

山城此日又春歸  
綠滿郊原草樹肥  
風雨時聞鶯出谷  
柴荆猶報客敲扉  
藥闌初吐堪乘興  
酒盞頻傾任典衣  
花下幾經同笑語  
莫將短鬢負芳菲

謝皇弼六十

相携轉盼鬢成絲  
意氣翻憐少壯時  
初度政令逢耳順  
百年長許赴心期  
花前有酒休辭醉  
身外無窮莫浪思  
只尺未薰堪杖屨  
羲皇白日對楮頤

重修篠陂橋及兩堤工成同諸兄弟姪志  
喜橋原架木大司成夢坡公首事始易  
以石而侍御存菴公所修永利下閘去  
橋只尺隄據上流要害故并修之

待御千年垂永利  
司成當日奮題橋  
隄防更喜



連雲石結構重看樹錦標銀漢月明浮碧落玉  
虹秋霽接丹霄龍城自昔多形勝指顧江山入  
望遙

因視橋工日同諸泛集飲溪頭

溪流迴抱轉迢遙津樹參差護野橋  
駟石不須來海嶠濟川應令老漁樵  
平疇玉立看群鷺萬里風傳運皂鵝  
日日隣家頻餉酒醉豪無用解金貂

寄張青徠憲副

時駐衡陽

七十二峰誰是主  
寧惟紫氣擁芳洲  
萬年松露清琴窟  
三楚江雲接斗牛  
秋憲府高看列柏  
春明門近聽鳴騶  
湘君要眇浮蘭茝  
搖落空憐賦遠遊

壽鄒文山七十

玉樹娟娟翠柏堂  
于今獨自占年芳  
酡顏長喜仙桃醉  
健履爭誇海寇翔  
蒼髯却憐堪結社  
碧



雲幾度共傳觴八千正擬莊椿壽又尤芝蘭雨  
露香

劉象乾與余同補諸生癸酉余忝鄉書况  
亦副選今忽耳順矣稱觴之日賦此見

情

同遊錦水賦菁莪曾共西江叩角歌蘧瑗即今  
行化境劉蕢愧我獨登科春花幾載淋漓賞夜  
雨孤燈咲語多老驥莫忘千里志歲寒松柏自

青柯

寒景

鬢髮催寒釀曉霜晴光杳藹淡烟黃林疎鳥雀  
爭枝噪谷靜松篁引韻長拾橡儘堪扶楚楚觀  
濤空自說汪洋梅花欲破自前鵬月色初浮一  
榻香

張宗欽使君枉過值雪

袁生僵卧自沈淪一棹能回剡曲春村釀旋酌



隨意酌園蔬小摘見情親不緣五馬詣山徑那  
得雙龍合劍津午夜絳河開霽色懸看紫氣入  
丹宸

使君有和章復理前韻

雪滿山城快隱淪郢歌一曲倍生春林疑中散  
人稀到榻下南洲意自親玉篆階前看鳥跡斗  
光夜半動龍津不知何處甘棠樹露冕遙迎出  
紫宸

池光雪色對清淪別是山家二月春駸茗傾壺  
寒力減敲詩剪燭夜堂親牽帷風動看行縣曳  
杖雲流試問津此去漢廷推第一好將眉事達  
楓宸

得謝靜齋學博潯陽之訊却寄

十五年前此地過緣君猶憶舊時歌柴桑栗里  
停雲遠桃李門牆入夢多廬嶽春風浮絳帳湓  
城夜月照青蘿定知輟講尋蓮社三咲堂深綠



幔坡

叔華涵虛樓賞牡丹戲為艷歌

綠雲翠黛倚朝陽  
膩粉輕紅靚晚粧  
覽鏡橫波先得月  
凭闌解佩細含香  
瑤臺却訝逢仙子  
侍史翻疑直玉堂  
把酒問花花解語  
春光流轉莫停觴

末章

水檻花枝對月明  
高樓歌舞動山城  
不緣紅紫憐春色  
已厭繁華近世情  
棣萼自今傳勝事  
洛陽何用占芳名  
醉來清賞唯詩興  
尊酒頻傾卜韻成

謔國範明府芝吉壯上過別信宿

夜來乘醉還開局  
明月空階露氣清  
遙望薊門憐鴈影  
喜看秋色運鵬程  
百年世路餘雙鬢  
廿載交情對短檠  
壯斗橫斜鳩鵲觀  
五雲縹緲鳳皇城



次答張惟寅來韻

開緘聊為報新詩秋色林臯澹碧池叢桂山中  
堪咲傲冥鴻天際日追隨酒醒竹牖風清浚夢  
曉松蘿露白時疋馬短衣看射虎漣婆休問漢  
官儀

誕孫九日舉湯餅會諸公畢集志喜

再誕孫枝客滿堂又生政喜遇重陽蘭湯試浴  
啼聲壯菊徑開尊老態狂襟座高歌聞鼓吹深

宵涼色汎蒼茫風流不減龍山會豪飲還誰賦

弄璋

采菊東籬曳履遲添丁忽喜動揚眉占星箸膝

虛宅日雍樹食飴政此時病骨自憐三豨草時有

新命醉歌長擬八仙詩故山尚有登臨約手放

雙筇倒接羅三建諸子訂約登高

庚寅韓憲幕集池顧余山中辛卯余北上

又同李司馬中丞姜給舍明府雷飲龍



津信宿去今忽十年矣再枉惠臨感念  
今昔賦此見情

山中湖上兩相過十載空餘短髻皤紫氣遙茫  
關尹度蒯緱今奈故人何細論往事揮盃酒却  
憶當年發浩歌握手不堪歸棹速丹楓搖落莫  
雲多

張青徠使君入賀便還枉過賦贈

昨宵風雨振山濤起視霜天曙旭高寒谷生春  
回繡錦衡門凍暖剪蓬蒿向來尊酒存三徑別  
後交情見二毛方岳遍遊還聽履嵩呼兩度賜  
宮袍

二月廿一日有事碧雲鄒文山諸親叔華  
兄弟汝敬汝賢諸姪集餞

厭浥初經曉露涼碧雲遙合動蒼茫交遊盡倒  
朋尊興川嶽爭生祖道光却咲東山成小草那  
知北闕賦長楊醉歸綠墅憐芳徑賸有清歌駐



夕陽

三月十三日宿南康望匡廬

幾年不見廬山面此日重來隔芙蓉豈謂黃昏  
過嚴子羞將白髮對匡君舊題歲月莓苔長轉  
盼江湖只尺分夢到香爐看瀑布為言麋鹿斲

離群

四月七日發番都郭美命陳淳甫張大來  
載酒泛舟擬至燕磯酌別午後為石屯

所滯至則已莫不能登矣遂別去次早  
獨步感懷諸君

昨宵沉月到磯頭拂曙登臨憶舊遊萬古金陵  
留王氣千秋鐵鑠鎮神州蛟龍不動波濤靜江  
漢長懸日夜流指顧五雲深縹緲空懷擊楫浪  
沉浮

十四夜飲清江浦周子成公署子成時督  
造舟之役譚及時事云



二十餘年幾別離相逢尊酒盡襟期風塵却愧  
南州榻淮海猶傳水部詩就月花陰移漏永占  
星歌管度雲遲含香舊有明光草政爾褰裳利  
涉時

五月望天津對月

三月望次小孤四月望次清河皆不及此夜月

扁舟三度月華圓此夕清光倍覺妍潮湧驪珠  
來海上槎浮銀漢到天邊接舡影落鯨鮓逐城  
折聲高象緯懸却憶舊遊風景在應疑鶴髮咲

婣娟

行路

不厭粗絺五月寒盈盈一水望長安推移三老  
空勞力飄泊孤舟強對餐便欲揚帆旋淺瀨纒  
教挾柁激洄湍南莫道多留滯只尺猶憐行  
路難

長至卧病書懷

不才多病負明時福性偏憐老態癡雲物欲書



萬壽山房補遺卷三  
咄咄葭灰細候故遲遲星壇月冷天心迥霜  
角風高翔氣悲何處冥鴻驚伏枕滄洲回首重  
相思

詔詰百官引謝病不能赴

時王都諫逮訊  
詔獄

天街莽莽翳晨光伏謁千官底許忙 聖主自  
知無袞闕群僚何事累封章引裾折檻非今日  
仗馬寒蟬媿夕郎漢祖計安劉社稷期期還  
吠  
逐周昌

用韞馮少宰壽不及稱觴口占代祝

芝君弱冠試南宮留滯于今白髮翁却喜黑頭  
登少宰竚看黃閣列三公人情早已宗名下物  
色何須肖夢中本意重來沽壽酒倦遊依舊歎  
飛蓬

曾道削身宋魏公共推疏議陸宮一同抗言幾見  
正時略執政應圖定策功自是岱宗雄北海更  
維嶽咏高崧稱觴歲歲陽先至大地春回紫



劉柱峰先生暨配章淑人雙壽

復齋少宰  
尊人

曾携瀛海慶長春海屋重瞻紫氣新東望扶桑

連寶婺西傳聖圃接靈椿鸞箋奏玉筵殊恩重鶴

髮交看舉案親歡動金沙聲滿耳共稱大覺是

前身

據云先生居金沙  
人皆以佛稱之

宮錦新裁彩服歡尚方分饌為春盤金仙世界

環銀海玉樹庭階蔭瑞蘭幾見蟠菴三結實同





原件短缺

P146以后缺



